

Na osnovu člana 25. Statuta Općine Stari Grad Sarajevo – Prečišćeni tekst („Službene novine Kantona Sarajevo“, broj 20/13), i člana 85. i 96. Poslovnika Općinskog vijeća Stari Grad Sarajevo („Službene novine Kantona Sarajevo“, broj 23/14) Općinsko vijeće Stari Grad Sarajevo, na sjednici održanoj _____aprila 2016. godina, utvrdilo je

(Nactr)

PRAVILNIK

O dodjeli sredstava iz Fonda za mobilnost mladih Općine Stari Grad Sarajevo

Član 1.

Predmet Pravilnika

Ovim Pravilnikom uređuje se način dokazivanja ispunjavanja kriterija i uslova, postupak dodjele sredstava i potpora, obaveze primaoca sredstava, način određivanja visine sredstava, kao i druga pitanja od značenja za dodjelu sredstava iz Fonda mobilnosti Općine Stari Grad.

Član 2.

Aktivnosti finansirane iz Fonda mobilnosti

Grant će obezbjeđivati finansijsku podršku za sljedeće aktivnosti:
aktivnosti koje preduzimaju nevladine omladinske organizacije ili mreže ili drugi oblici nevladinih organizacija koji su uključeni u rad s mladim kao što su obrazovanje, kultura, humanitarne aktivnosti i sl.;
aktivnosti koje promovišu bližu saradnju i bolje razumijevanje među mladim ljudima, s posebnim ostvrtom na razmjenu informacija;
aktivnosti koje se fokusiraju na neformalno obrazovanje, treninga i konferencija;
aktivnosti u vidu državnih i međunarodnih sportskih takmičenja;

Član 3.

Prava na sredstva iz Fonda mobilnosti

Prava na dodjelu nepovratnih sredstava iz Fonda mobilnosti mogu ostvariti pojedinci, učenici i studenti koji se nalaze na redovnom ili vanrednom školovanju u srednjim i visokoškolskim ustanovama, nezaposlene mlade osobe, aktivisti, članovi, volonteri nevladinih, humanitarnih organizacija kao i omladinska udruženja i sportski klubovi koji okupljaju mlade osobe uz ispunjavanje sljedećih uslova:

Za fizička lica:

da su državljani BiH

da imaju prebivalište na području Općine Stari Grad Sarajevo

da imaju između 15 i 30 godina

Za pravna lica :

da se nalaze u registru Općine Stari Grad Sarajevo

da projekat/aktivnost/takmičenje za koje se traže sredstava iz Fonda mobilnosti, podrazumijeva učešće članova udruženja/sportskog kluba starosne dobi od 15 do 30 godina.

Član 4.

Iznos sredstava iz Fonda mobilnosti

Maksimalni iznos nepovratnih sredstava je 700 KM. Pojedinci ili udruženja mogu samo jednom aplicirati unutar godine.

Član 5.

Neophodni dokumenti za prijavu

Uz prijavu neophodno je da se prilože sljedeći dokumenti (orginali ili ovjerene kopije):

1. Izvod iz matične knjige rođenih
2. Cips prijava o mjestu prebivališta (ne starija od 6 mjeseci)
3. Uvjerenje o državljanstvu
4. Rješenje o registraciji udruženja
5. Dokaz ili potvrdu u učešću na edukaciji, seminaru, treningu, konferenciji

Uz priloženu dokumentaciju obavezno je dostaviti motivaciono pismo.

Član 6.

Ostvarivanje dodatnih bodova

Komisija za mlade Općine Stari Grad će odlučivati o dodjeli sredstava, a pored dokumentacije i motivacionog pisma kao i uslova navedenih u članovima 2.,3. i 5., Komisija može aplikantu dodijeliti i dodatne bodove na osnovu i uz prilog:

- dokaza o učešću i postignutim rezultatima na kantonalnom, federalnom, državnom ili međunarodnom takmičenju,
 - potvrde o nezaposlenosti sa biroa (ne odnosi se na učenike i studente),
 - potvrda o upisu kandidata u tekuću školsku/akademsku godinu
- dokaza o redovnom studiju

Član 7.

Aktivnosti koje Fond mobilnosti ne finansira

Fond mobilnosti neće finansirati troškove učešća i putovanja na stranačke treninge, konferencije i kampanje niti bilo koje aktivnosti vezane za određenu političku opciju u i van Bosne i Hercegovine.

Član 8.

Dostavljanje dokumentacije

Navedenu dokumentaciju kandidati dostavljaju na Protokol Općine Stari Grad, sa naznakom „n/p Komisija za pitanja mladih općine Stari Grad“.

Član 9.
Pravdanje sredstava

Udruženja ili pojedinci koji su dobili sredstva iz Fonda mobilnosti će u roku od 30 dana nakon završetka aktivnosti za koju su dobili sredstva Komisiji za mlade Općine Stari Grad dostaviti finansijski i narativni izvještaj o utrošenim sredstvima

Stručna obrada
Komisija za pitanja mladih

Predlagač
Komisija za pitanja mladih

OBRAZLOŽENJE

U skladu sa usvojenim Budžetom Općine Stari Grad za 2016.godinu Komisija za pitanja mladih je u saradnji sa Vijećem mladih Općine Stari Grad Sarajevo, na osnovu člana 46. Poslovnika Općinskog vijeća Stari Grad Sarajevo, sačinila Pravilnik za dodjelu sredstava u okviru Granta za mobilnost mladih, te u dostavljenoj formi predlaže Općinskom vijeću Stari Grad na usvajanje.

Grant u iznosu od 5.000,00 KM je definisan Budžetom Općine za 2016.g. u stavu br. 614100 opisa: Grantovi drugim nivoima vlasti.

Ova sredstva namjenjena su za potrebe putnih troškova i participacije za mlade ljude sa područja Općine Stari Grad Sarajevo koji pohađaju seminar, kurs, trening, naučna takmičenja ili neki drugi vid neformalnog obrazovanja unutar ili van države.

Dodjela sredstava aplikantima će se vršiti prema utvrđenom Pravilniku.

Komisija za pitanja mladih će vršiti bodovanje dostavljenih aplikacija prema navedenom Pravilniku.

Predsjednica komisije
Adla Kupusović